

精進金書

精進金書

189

庫	文	閣	内
三	一	和	
齋	八	書	
一	四		
口	六	類	
架	號		
	冊		

詩文

内閣文庫		
番號	和	18406
冊數	20	(1)
函號	206	189

206-189





精里全書卷之一
詩集一
五言古詩



送鶴田君游江戸

舟楫絕江海惟惡風濤狂風濤雖可惡有舵亦有樯
人生就仕途並馳聲利場利害相攻奪物欲更翕張
衰哉繞指柔伊昔百鍊剛中三頽波裏乃見君子強
學道不努力何殊感穀羊

陪芙蓉館燕

膏發一之日寵招讀書幃尚論繡縹帙下交重布衣

淺草文庫

500-138

蒼松爭厲風碧沼帶寒威棲禽入夜靜鳴雁千霄飛
名園霰將集厚坤陽正微凍雲影覆牆驟雨聲灑扉
斯生負傲骨宗英情所依秉燭游最宜夜永鐘漏稀

無名亭分韻

游山有舊要况值陽春召在告離羈鎖理策伴英妙
衝茅桑柘間窈窕多相肖灼灼杏桃下主人迎且笑
南畝觀耕耨東泉共舒嘯花柳賞無違烟霞疾可療
細泉入靜聽歸雁引遐眺名豈貴邱園興唯寄雲嶠
慕拙趣逾高羸輪變慶弔蒼顏墻頭過隣叟相犒勞
距城莽蒼耳風俗未儇巧行欲拾溪翠臥可夢烟鳥

淹留又斂眉徘徊月來照

首春陪招賢館燕

豪貴溺人性華胄易偷安偉哉先主君經甄造其端
夫子能濟美學殖不荒殘譬如星鳳瑞時清或一觀
如其重疊出千古之所難獻春開綺席傳杯禮數寬
飛潛狎幽處紅紫媚假山風日漸韶和水上減餘寒
何幸狂簡士芳園繼舊歡

擬古

後火非前火今流異昨流鑽燧厨不寒有源川不休
人生無根蒂鳥蟾豈少留所以古之人兢業勉姤脩

其二

村居度數畝苔草滿其間勸之移卉石謀怡朝夕顏
喬木不可拔堪躡運亦艱矮松僅盈把磴下卷石頑
易位如奕棋矯枉幾牽漿洒掃徒自苦生意竟凋殘
去々勿復為出門望遙山

鏡圓寺分韻

桃李自成蹊蓮花不染泥奇哉梵王閣潇洒在塵街
秋光憐晚晚吟嘯聚傳儕陶情城市外窮目烟樹西
閭闔撲地起峰嶂入欄低荷禾由捷徑掃葉及幽階
淨理非所問良緣聊得諧

滴翠園小集得文

製錦存餘暇蘭交慕蕙薰初筵樽斝列尋古繙典墳
萬象范無辨高城台晚雲暗霜階砌滿嚴飈木葉紛
圍爐紅獸炭暢懷酒半醺漏長如小年款談正宵分

寄懷村川子成

黃雀凌千里清喉響雲遠男子一許國苦辛非可辭
吏道何執掌東武淹宦羈名價諸侯良倚賴一邦基
憶昔還鄉日惠然蒞書帷尚友邈前古杯酒且迭持
官事真靡盬整駕僕夫催我題相思字未敢問瓜期

新作分韻

乾坤周甲子篋竹盡衰凋結實何忘々葉枯如焚焦
應有鳳皇食還無烏鵲飄渭川失富厚淇澳徒蕭條
蔣詡為何况王猷意無聊漸覺衡茅露可望樓櫓遙
猶幸遺孫子舊塢抽筍苗數尺含新粉幾時更拂霄

送二子分韻

海潮隔二肥僅如杯水盈風帆以達岸初熟羊脾羹
若從早路走稅駕在厥明熊府多文物儒宗負重名
龍門登者誰魯國有兩生雙々擔簦笈僕々往來輕
所貴居隣壤歲々省家庭能遂鴻鵠志不違為鳥情
毫素攜新藻罇樽尋舊盟聞見多儲畜困倉為我傾

目論知所蔽耳學得研精後生真可畏努力復茲行

秋胡行

華燭入洞房繡綵海山盟如何一朝別相值昧平生
鬢髮如飛蓬國風取其貞獨怪采桑女紅粉照路傍
致使高軒容黃金買目成衣錦歸鄉里鄉里為之傾
曾無卑與隸奔走報父兄士耽猶可說內助庶相聽
怨妬非婦德赴水一倉皇古人長比興豈止艸木名
欲警世澆薄恩義秋毫輕喜朝而惡暮避就在炎涼
智可欺王侯妻妾泣中庭

德恩寺集分韻

擾攘朝市塵閑適尋蕭寺臺殿已煥魏杉魂一深窅
鉤彼華鯨響覺吾毒蛇睡映牆年麥色紺園膏雨灑
授祭香積厨天花紛亂墜與旨日鑽研綺語聊遊戲
自存名教樂豈圖福田利庭蝶濕不飛動息何容意

訪天主上人不值留贈分韻

偶着登山屐相訪不相遭幽期嗟缺陷踟首重搔
實荆倚層阜臨覽窮海阜城郭如指掌何門引方袍
床攤緗囊爇楹挂白拂毛書材蕉葉敗錦章楓樹高
維那不嗔客茶鼎沸江濤未便題鳳去聊得慰鬱陶

招賢館分韻

璇璣無停息年華去不回方此凝蛇走增覺隙駒催
歎老而嗟早吾豈為是哉學路曠綿邈策蹇自遭徊
經綸雖有志狂簡便誰裁暮節徒多感佳招足暢懷
愛客剪蘭燭渠々厦屋開宿雪擁林際層冰結水隈
江寒難對月春光已漏梅論文無所挾富貴比輕埃
緇衣叨授祭瓦缶愧鳴雷

清陰亭分韻

靈雨滋園卉續絳紅素殘疊石為幽巘引渠象激湍
羽觴流不滯益苔坐旦安遐想存丘壑寸心隘宇寰
何必奏絲竹好鳥自繇蠻

川窪學舍分韻

行藥遵郊路童冠伴節杖減衣春寒薄衰露朝雨微
菜花間麥浪沃田何麗透樵漁爭赴市菑畲各扶犁
遙望山如屏漸近始呈奇峰巒遮拱揖岡阜自參差
杏、絃歌聲山郭在烟霏人稱製錦美誰謂割鷄非
周旋蒙養正款待容忘疲留宿聽簷滴未掩落花扉
送藁田子孝歸天草

處方欲濟世庸豎適賊人讀書欲行道俗儒或數倫
懲羹至吹齏儒豎使人嘔吾友家刀圭大業志紛綸
歸去幽遐境觀聽萃一身誠心存愛物寬綽甘苦辛

斯道始早近定省奉昏晨進脩力是視文行自日新
行道而濟世前途浩無垠莫笑先生談臨別復諄

寄懷副士良移病林居

金立三千仞昔人嘗避秦仙靈所窟宅幽栖此卜隣
之子難相見譬如參與辰駕言出郊野空望碧嶙峋
一從忝交契忘年情最親我盪雪中槩君為月下賓
着鞭爭後先前席談經綸落、與世違高臥對松筠
惟恨半壁水不容吞舟鱗酒邊無車胤谷口有鄭真
高齋繪勝侶烟景暮之春花雨膳脂臙林鳥鼓歌唇
嚶、猶求友能不懷故人磨屨非我群勿避城市塵

十四夜草堂分韵

薄暮雲陰散初更歸碧霄滅燭迎清影中秋前一宵
明月不待圓良朋不待招幽草岳冷露疎木引高飈
村酒味原薄園芋羹已調小酌酬佳致夜色望迢迢
雁鴻影可數星辰光益消如坐冰壺裡霞想入沈寥
脩業館六月望日集主人未歸余偶有家幹不
能留賦此而去

南州方溽暑珠汗透朝衣朝散日近午過訪白板扉
主人有芳約衿佩滿書幃蝶樹蜩蟬沸城濠炎熱微
綠縹林鳩草瓜瓞綿相依習習凱風至高堂六月非

金馬可避世漆園塵事稀况此佳招日烟霞逸興飛
吟賞恨辜負幹蓋還度門踟躕不忍去休言題鳳歸

長村二生歸自熊木觴之南隅

去歲送行客江路草離々今春乃來思餘寒雨雪微
治經將暮景甯覺年光馳曾無寸步進已令雙鬢衰
呂蒙真刮目匡衡亦解頤落梅間礪礪竹日晚參差
杳然歸雁影堂上拂朱絲

招隱士分韵

招隱經家經林木何穠樛怪形危積石悲響發繁條
苔徑難辨識何能通牧樵虎豹隣巖穴猿猱嘯樹標

容高箕顛志終老
搽草瓢采芝涉青顛
晞髮向碧霄
飛泉激清澗為君奏
咸韶葛屨履巖霜
初衣冷夕飈
嗚呼山中人
繫駒食場苗
莫慕空谷裡
時逢舜與堯

初春鳶魚齊集

同人亘于野
春律動微和
遵彼堤州路
流憩竹林阿
丹葩依白石
繚蘋漾清波
閭閻屋且千
隱見焚松柯
山光連百里
雪消伸翠蛾
飛潛各適性
靜躁自殊科
黃鳥歌未已
歸期竟如何

大興寺集得興字

晚晚惜韶景
遐矚伴舊朋
緇素雖異道
幽情非炭冰

出郭聞蒲牢
寺隔烟樹層
落花不相待
亞枝嫩葉青
菰蒲漸已長
曲池澹以澄
流憩依美陰
裊垂紫藤
吟心游象外
搖曳野雲興

九畹園賞櫻

花卉得泉石
不與四鄰齊
望之如白雲
深擁仙子棲
俯園頤性情
寄跡在力圭
松風可洗耳
池水可鑑髭
游魚唼落蕊
嬌鳥轉高枝
墻外綺霞結
桂殿迥崔嵬
時屬情景美
蘭友此提攜
不厭桃李樹
其下自成蹊
韶光如轉燭
勿使賞心睽

國隘過依仁亭

大邦當過密廣業寂書房江雲意黯澹秋雨望荒唐
駕言欲馮憂流憇且傍徨離芳刺紅素林橘妥青黃
華陳會良友茗飲探枯腸譬如晉襄公墨經赴戰場
含悲尚鼓勇淋漓不成章

古愚軒觀水府相公所賜芙蓉石

富嶽鍾神秀元氣資精英磅礴東海溼凝結肖其形
質非彫鏤力色如渲染成嵐翠滴蔥蒨巔雪聳明堂
曾向沙汀拾可寘懷袖行相公賢賢意藉予表深誠
先生高雅操儒林負重名已應羔繡聘不忘丘壑情
交際難貨取珍奇絕奉承卷石無勞費化工娛性靈

鸚鵡各有適小大辨何爭况此具體微勢欲凌太清
臥遊窮巖岫拜謁稱弟兄杳然乘几上雲霧春晝生

龜島倣河子南濱體

渺：播磨洋蕪：明石岸布帆張復叔逆潮勢急悍
翼二不欣助汎：日恐肝僵臥厭枕衾有如幽囚歎
下所海中央咫尺龜島面甘言囁舫公撐櫂到巖畔
瀨淺石齧舟溯洄揮珠汗始茲舒眉目更覺生羽翰
天地一盆池拳石在凡案雄州螺黛連千船粟粒散
麗日晃玻璃煖霞張繡幔雲根爭巖窠何年折震電
跳躡集虎豹斂駁含冰霰猱獐忽攫拏抵觸相鬪戰

然石階層凜成鐵葉片方稜積玉函密理藏黃卷
妄疑介鑿痕化工迹破綻堅牢不若斯詐足過狂瀾
瑟縮踰髻鬣呀然一小澗著立松與杉榴栱相參斗
捫蘿采柔薇攀岫求赤箭陟崖絡羸蟻需奕堪愛玩
鷹子盧扁傳博雅大邦選為予分品彙諄々不知倦
小住此班荆錦貝沙間亂瓊貨有隆替古貴今何賤
拾此盈袖中已報潮候善放舟猶眇昧山意似戀々
天惜我良緣水行殊緩緩日々得停橈輿灣應蹈遍
無奈歸思切詩成一咲粲賞詫縱過實非向世人銜
笑兀吐新奇羈愁以割斷

題楠公画像為尾藤子

何世無智者寵愚逞詐術何世無名將吞噬徒驕佚
桓、楠將軍鞠躬勤王室百戰掃稜氛廟謨奈迷執
大義貽子孫似續心如一偉風夙所欽遺貌穆莊栗
嗚呼千載下忠肝懸皎日芳烈垂汗青詎俟後人筆

中秋無月言懷

驟雨洵殘暑將呈素娥妍頑雲不肯散糝糊填海天
自我來關內始逢秋半圓勝事常多阻幽期自易愆
駑馬立儀伏滯竿雜樂懸家累海西滙宦羈地東偏
僕、征途上往還四閱年勿謂非吾土苟完安一廛

去住懷憂畏鬢髮已蒼然何須恨屏翳哀蟋露階前
若使清輝苦愁思更纏綿

遊東台

獻歲氣嚴凝青皇令未申承乏弦歌地兵馬屬鼎新
綿蕞肆盛禮菁莪登俊人旁午醉朱墨何殊簿領身
竣事寬韉鎖乃謀息勞筋羲暉如轉燭已驚將盡春
海國猶風雪花遲柳久懶為我留幽賞物候且逡巡
理榮携童冠勝地訪芳辰黃鳥出陰凝丹葩媚前巒
松籟和清磬門外少鞅輪飄吟客袂寧恐染緇塵
古愚軒暮春集并送諸賢西歸得以字

爽塏豁軒窗同人賞春暮雨歇眺坤倪富嶽違顏咫
良朋會三益韶和具四美樽斝列初筵芳園醉桃李
歡樂知難久宦遊乃萍水嗟我學越吟西陸邈鄉里
受性異所宜踰淮橘化枳行色若歸鴻應候聯翩起
旦歌露未晞永歎良有以

攀和水明樓高作次韻非古也盛藻規撫漢魏
而強步其礎猶之以蟋鳴間金奏但病餘呻吟
聊以遣懷覽畢控塊為妙

城北多臺榭此樓最著名選勝占三泖擅竒對四明
一望聚諸景觀隨節物更長夏息塵鞅遐思入杳冥

汀帶蒲香淨池受梅潦盈將寄披襟賞矧逢折簡迎
涼疑商律至快似漏天明微范霞綺薄激灑浪花生
須臾山月升素輝皓簾楹山水增神采譬如畫點晴
磬聲出中林品物共虛形已適冲澹懷寧有寵辱驚
湘簟雕胡飯鯨飲設腥鯖琴棋各自娛分曹醉與醒
展也神醫術起樓砭聾瞶少陵千載後獨得詩中情

題四明圖

憶昔登天台霞際度石橋鳳城瞻氣象琶湖霽色搖
雙眸攬萬景精爽尔飄飄瑰奇難可狀未暇作歌謠
生紙不盈尺山容歷歷描登覽如昨夢君今發鹿蕉

追題舊游處小原和野樵

約山有詩見脉云讀白氏文集欲學之襟不喜
聞若說次韻奉答語傷率直多罪

蘭契比園廬焉懷託賦詩忽聞山水調更張自今茲
君意高千古寧逐澆俗移塵途馳並駕孰辨異所之
蜺洲長慶體泱醴無洗時吠虛群犬和竹信欲若為
所望障狂瀾勿歎不吾知瞽見如無採斯文付數奇

其二

大雅遺響歇難求刪後詩性靈所觸發永言豈釋茲
彼哉白氏俗便吾文運移里耳悅皇華希聲莫賞之

當車奮禮微力欲矯時非有狂簡志奚用俊髦為
昌歌存耽嗜苦甘貴自知瀏覽厭層淺豈徒慕性奇

其三次香山奇奈何詩韻當時既有元輕曰俗之謂朱子嘗病香山

語及富貴口津之涎流

香山俗奈何流涎塵世事詩教如化工濃淡不容意
請看水陸路有難亦有易若待老媪解雅頌皆可棄

送岡野行從之任松岡

大藩表東海樂育多賢才岡生最溫籍翰苑寄襟期
妙選克誓御朱邱礫川隈投久論今古惠然時一來
俄遷百里宰利穎脫囊錐應見循良更出自讀書惟

勞徠田疇闢風聲俗習移古關路邂逅舊鎮安在哉
赤水重淵閱金沙灌木齊公解擁幽勝鳴琴娛暇時

次栗翁六十五韻有序

四月吉熊侯命庖人治食儒臣齋而就宴於栗山
堂先期戒志尹及余往會至日皆不果赴既而主
人有詩見示叙述樂事如畫使人羨歎無已因步

礎奉呈

二肥如魯衛城民各撫摩仁問宣宮商胞與共癢病
一水含西界峰連數點螺無日境外交瞻拜具袍韉
奉檄入函關遠絕如之何朝覲從枚馬誦說必丘軻

勝情時舞節流憇取酒馱稅駕朱邱第高興在雲蘿
進律謙以光暇豫澹迤々禮賢顧中厨就宴讀書窩
適授子之祭駿臺倚翠坡珍羞何綺緻微逐僚案和
鳶舫鯽魚膾樽罍激灑波代匱存管蒯佳招亦牽拖
曹植思大嚼當向屠門過噫嘻人事左相刀又相磨
被疾如油膩浸漬中舊窠陰陽小愆忒二豎跳婆娑
壹鬱興復寢夢不到南柯耳鳴聞駭浪時雜哭旦歌
衆舒我獨悵偏嗟所遇頗宿諾恐盟寒賴君為噓呵
諸子西歸近邈如赴岷嶓行色不可駐牽車具脂輜
侘傺天將暮城鼓極靈龜文陣戰酣際應麾魯陽戈

誰謂尾生信辜負成蟻磨食言七酒者盡入主人戒
詩思如秋水澄明涵素娥或天真呈露羣兒聚戲培
或如登壇將分合辨多々或嬌而慧黠窄袖調鸚哥
其仙風道骨老矣不蹉跎琳琅燦盈目投來向我詫
蹶然生起色邪冷避驅儼辭氣挾風霜橫口畏詆訶
我佩陸離劍鋒鏑青蛇傲兀山野性最嫌縛禮苛
一免擎跪兀飄然出繭蛾賢侯體人意饕餮載驢驟
縱克虀蚓操不哇鴨々鵝殘紅襯草石園柳尚鬢髻
巢燕雛初舞老鷺音已訛清和品物毫動植及么麼
几下瞰滄海天倪揖雪峩素願求良覲兄弟矧匪佗

會心不在遠交臂事輒蹉俊茂仕戾國帶礪之山河
載華揚文旆綴行白玉珂育才由陶鑄菁莪彼中阿
春華已穠郁秋實亦婀娜雄辯倒三峽渤溔卷盤渦
雲錦童爛兮工擲天孫梭差池關面別萍水聚散俄
逢掖一官絆初衣愧菱荷分惠膏環美鏤蓋卷紅羅
芳香膩齒頰因呼淪茗鍋三燕沁詩脾勝獲黃金駝
口可含瓦礫嘔出滿竹蘿效掣押競病亦足破愁魔
材料早見占書画及醉醜賓主歡洽態明燈照綠莎
窘步避蹈襲啁哳市童嗚寫罷便欠伸鷄竿脫重枷
猶想神旺慶初筵至躑蹉

再次韻

謬吾抱一經不敢學揣摩旌招及僻壤駭惶與病痾
其器元斗筭有文唯蛤螺薰沐沐猴躁戴冠又穿鞢
叫跳以挽裂觀聽其謂何斷削工程巖砢用鍊軻
虛車雖飾矣不如羸馬馱幸使賢僚索勁松累女蘿
支持免顛沛接武得逶迤柰君非匹類翩翩鮒官窩
厚德人望斗俊才騎注坡暴寒常存戒嚴恭自然和
山下出泉蒙養正渥恩波藻井荷花倒桂梁虹彩拖
講幄繡經侍林莊託乘過行騶塵跣跋闌戟影紛刷
墜羽應弦響呀鱗困網窠已顏堂數仞豈貪金兩娑

賜觀巡藥園授簡題楓柯衣鉞堪付華郊邱宜製歌
文衡持至平無黨亦無煩險層世聒々水潦蛙鳴呵
橫流導而東成功既藝蟠馳騁誰並駕修塗屢呼輜
鰲艦帆飽怒電逝軋蛟鼉彼草泉澤雄奉約爭投戈
嫫母捐脂粉稗稗羅森磨大殷破折楊口吐豈敢哦
餘潤資江海未忝仰羲娥男子生鬚鬣可拋寒食堵
門須鑄鐵限同氣相求多論言何意緒行不得哥々
蒼溪別白雲行樂恐蹉跎忽發懷鄉歎由衷非妄說
先世馬鬣封鄉人俱面儼莊舄吟雖苦歸依宮可訶
首尾難自救安得率然蛇舜趨禹步出入則除秦苛

萬卷當百城墨妙當青蛾緇侶停香鉢嘯徒繫寒驟
丹語辨龍虎文陳結鶴鶴鸞灑毫風飒々揮塵雪鬣々
鯁生拜跪野遠客語言訛青眸勤接納不曾略極麼
欲窮海嶽觀更構涼棚域噫奇々恠々可以概其他
務執化人袂神游虞一蹉自無三蕉量必置酒如何
積蘇臨千井衆星繞四阿夕宿空中閣朝鳴大道珂
獨亨清福降穰々理則那愁霖蝸縮殼惡水溝生涸
寸陰失尺璧流歲速飛梭捫腹負將軍玉山頽傀俄
蝶夢迷幽芳貓眠醉薄荷一步高一歩新詩萬象羅
恨無函牛鼎鬻割烹土鍋崑岡玉亂抵收給載歸馳

驅蟬攤書帙候晴曦藥蘿真搜祀榛棘詩境漸入魔
質的攢譏箭發頰顏作醜樗溜何時已砌除長軟莎
真聯納涼榻險韻禁噁嘔風伯決幟幪雨師關柵枷
寫飛應活潑人杵自僂傴

櫟戲次栗丈歌藪而大作又出矣語益警拔方斂
容歎伏林祭酒傍觀激賞之餘督再和以結其局
向所供詩料杼軸一空今不意追呼必取盈焉遂
至剝膚椎髓以應副之豈不量其力而急與之角
云乎享和壬戌五月廿七日苦雨窓下

履堂賢弟過訪拈韻

疾霆將驟雨滌除秋暑煩新開蔣詡徑嘯徒辱過存
綠篠含涼露蛩啼依草根近市歛浮埃蒼旻玉李繁
吾本江介客未遊經藝園暮途摧傲骨又驚變寒暄
幸得狂獠者忘年叙弟昆援毫題雪月論學探淵源
有以安鷓息不必羨溟鷗

題三星圖

箕疇陳五福周雅祝九如儀貌創新意又有三星圖
對此生歌艷恐為怵迫徒徼幸多危險安分乃坦途
昊天曰且明游行與雨俱善淫在人擇倚伏自乘除
彭祖慎觀井考父銘鬻胡媿美高陽里好德叶積符

鹽井邛舍得十四寒

馳驅塵土裏翔半屬餘閒人海多豪雋幸接文酒歡
寸骨存雅趣何必問青山賞游恨易違歲月似飛湍
書堂隔喧聒巖巖城塹于塢梅冰玉粲苑樹旆旌攢
流澌下江水冥雁入陰端唱酬永今日幽事不可諠

波濤

山湧乍谷陷摩盪震雷聲方其無鬪觸澹然如砥平
物理皆若此可以譬人情違者能觀傲導之不與爭

陶弘景圖

山中有宰相巖穴養高懷看雲自怡悅鳳綸召不來

蕭翁心腸薄護前忌俊才苦空譚不已金甌為賊權
神龍行紫霄養將焉施

春初喜台南至

發春過穀日凌兢嚴氣加谷寒阻鶯鳥地凍閉萌芽
不見陽和信巡簷逢一花新正方休務閑曠遠塵譚
淡居覺日長忽枉故人車不置椒柏酒先試旗槍茶
臘雪錮山色柳眉頰水涯豫訂行樂事蠟屐為韶華
只待青皇令東風扇通遐

對鷗樓送賴千秋得小字

景物和清和薰風應朱鳥佳招會吟伴擺脫世塵擾

窻牖對睡鷗侯即江潮遠境寓城市際心出雲天表
況賦新知樂玄論入杳眇浮君絲蟻醲執彼白駒皎
官迹何其促本末如纏糾良晤歡幾回忽歎歸途渺
衰晚易消魂離情異少小

海禪寺納涼得萍字有序

傳寺本在相馬郡為逆臣將門香火場後徙于此
大猷大君因飛放停輿問住持名乃覺印也名見
特加敬待寺遂為一大刹矣雅集之日新興要人
與中島生合奏笙笛畫家木雍谷晁輩麋至主僧
亦有文

律變桐葉隕負郭秋容好梵臺納遠風爽然披襟抱
瑤瑤奏天樂畫筆寫三島緇素共吟賞詎論不同道
彌望野疇綠秋實孕秬稻菡萏溢清池亭亭發葩藻
招提何宏壯浩劫誰創造荆棘化旃林大人珍汰寶
城市如坐甑浮浮苦煩惱清涼國在茲尋游恨不早

化荆棘作旃
壇林禪語

新秋栗山堂集得四支有序

備中管禮卿祇藩侯之召春間東下屢訂游期余
以悼亡不赴而諸子偶碍事輒止至是治食就宴
於栗山堂乃得披豁

選勝朱門客携樽會舊知
昨雨洗天地炎景戢成時
商律蜻蛉鳴園卉動涼颺
久要在臨汎樂事幾愆期
通衢車轂擊遊舫咽水湄
靜躁寧同趣雅俗原異宜
不若駿臺上憑高褰幔帷
氣爽滅浮埃萬類無遁姿
歷歷堪攬結江山競秀奇
寒我雁家厄半年不展眉
幸當殘暑退并得抱懷披
耽賞未渠央參橫城樹枝
寒泉分惠庭植栽之復原
園分韻誌喜

損囊買宅地官暇徃夷猶
翦薶治園圃鹵莽漫無疇
元爽寒露沈孤露兀一樓
故人憐落莫移樹應余求
始謂拱把耳驚見與雲侔
種々皆珍木條枚紛相繆

誰圖不毛壤行作鄧林稠
玉含咲將發針芽怒欲抽
鳴禽來有託吟侶望相投
三徑初成趣衆景漸覺幽
清芬長可挹美蔭亦堪麻
乞漿當丑歲得酒濃如油
大查恐傷惠感德愧難酬
願君乘勝日駕言花下遊

席上賦別兼寄茶山

列藩誇照乘照乘是賢才
載筆隨五馬道路一悠哉
西望不可騁際天連山堆
茫茫人海裏懷抱向誰開
頻送人去無復故人来

六月十二日復原樓避暑拈韻

洪鈞播品物柔剛萬不齊
吾生負傲骨於世寡所諧

銜轡多決吻槩括不成材匠石捐樗散莊周貴馬蹄
昌歆有同嗜休澆輒提携謀窮千里望乃托一枝栖
三伏正如燬穢穢走貢埃移床納竹風嚙嚙玄蟬啼
喧中存靜趣與俗隔雲沉殷雷在山足膚寸作朝躋
窓看銀竹挂坐得素秋淒草樹爭掀舞山巒頽沈理
造化真恢詭披襟呼快哉天地豈不仁烏狗譬何爭
就燠寒可能憑高暑不未人煙聚蟻垤地逼屋亦低
自取炎蒸若怨咨妾相試盍見亢爽區九夏顏常開

夢彥禮仲車

迨迨玄冬夜冉冉衰邁年淅淅寒林響卧知霜滿天

重衾冷如鐵展轉久乃眠忽起華堂會蘭奕列長筵
彥禮坐容右笑容何藹然仲車獨後至未及叙暄寒
曉夢易驚覺咿啞鄰雞傳禮也歛鋌鏑利器寶龍淵
造膝多啓沃育材藉陶甄流風猶扇物功豈局細旗
曠達仲車心理照酒中仙咳唾紛珠璣游覽陋宇寰
寧乞脩文暇魂兮出重泉或結玉樓撰薄言尋舊綠
二人深投分游岱有後先鄙懷存愛敬芳型如目前

臘月廿八日復原樓分韻明日立春

櫛椽喬木枝風定鶴初安浩渺澄江水波恬月乃團
滂沸沈影碎紛披投宿難休假生樂意遐矚抱懷寬

豈無經世志稟性奈迂頑進退非由己辜師廁儒官
橫經用餘力蠅冗孰研鑽所以却除日人忙我獨閑
太史立春奏恰當臘尾端朝罷下幽墅悠然凭曲欄
乳冰消閣井融雪馭青山流澌自城壑赴海作鳴湍
遷鳥猶寒語頻梅欲解顏寒暄百轉穀曦魄西跳九
眇形委天地何用若控搏迎送徒為耳年太年又還

徇日復原樓分韻

君子同而異非求與世睽獻春寧廢禮奏慶趨東西
傲骨猶為梗瓦高頭乃低其雨頓開霽午煦晚寒淒
經途倚危檻回飈恐見擠古靜擬謀野求詩遠大難

此樓距城咫曾不絕輪蹄還宜暢沈抱依約類林栖
秀峰可攬結吟吟屢招携雪下抽蔬甲煙中吐柀穉
撥灰煖榻拙洗足去塗泥落照明霞色刮眼得金篦

孟陬十三日斗南子獻至

帝出蒼龍駕臘餘凜雪霜經旬氣稍和寰宇徧載陽
冲懷澹自適休務韶暉長嚶彼求友鳥亦尋園裏芳
蕭散風騷侶雙雙訪草堂留歡土蓋列靜好玉琴張
林霏含屋宇山翠出垣墻鱗、城市接跣跣路塵揚
人語遙莫辨蟻蟻聚甕醬歛迹心常寂同襟年可忘

復原樓分韻

春寒稍解嚴風拂柳枝動登樓憑欄極四遠豁通洞
原暖消冰凍綠芽向葦葦平楚何蒼然宿雲猶勃滯
貴賤皆有累以世為樊籠悲歡生物感飲啄營恩俸
幸我託褒衣投閑免倥偬未繙滿架書可煉寸田永
詞源遡潘陸筆鉞欽南董送抱馳沈寥盪胸對龍從
圃荒戒鹵莽空壞存匿空祇擬苟完室豈去求利孔

二月初午復原樓分韻

闐闐社鼓音林舞兒童狡燕來鴻便去時令相避巧
韶節風已和假日無塵攬佳集如報衙赴期爭點卯
食魚品邾魯援翰輟謝鮑技痒過詩敵搔倩麻姑爪

香街多可導原野出妖姣吾心冷勝冰不受萬物炒
璿璣無停機陰陽纏糾絞梅味羅小星嘒彼參與昂
憑茲思五岳泛宅羨三泖平岡有蕨薇綠澗生芥茹
景小任園荒樓危見棟橈無營即如願不復問安飽

如願事見太平廣記是日俗
祀倉稻鬼神以求福故及

復原樓分韻

紅紫紛開謝小園春不淺吟侶偶招延窮愁可排遣
冲霄瞻翳鷺隔樹有嗥犬麗日照金城白雲冒遙巘
雷雨拆勾萌生意偏端蟻品物共欣欣潤滋度際蘚
班荆坐眈眈拾翠遵原行衣褐懷奇寶華美踰瑚璉

埋迹大邱長公卿愧軒冕衆賓雖通藉下僚沈才雋
高風超世表何曾在榮顯公假磨詞鋒馳驅屬縶
訂盟心非石不隨流俗轉

三日復原樓得五尾

歲歲重三節衆芳皆楚尾今春寒尚峭桃花始韡
撫琴送去鴻淪茗當浮螳永和脩禱事名勝傳奇偉
蕭然西北樓何嫌治食菲緝松與疎竹地曾剗茅葦
泊素守清貧自無椒室鬼歡娛莫遽歸留看雲際眙

十月十日喜二君至

闕宮殿薦日涓潔衛靈庠雍容辭直舍邂逅莅書堂

霖霖當冬序厚坤無一陽飛鳧連黝重寒葉雜丹黃
叙歡劇噉鴟二盞取充腸蚓鳴文字飲蟬脫利名場
靜趣環幽砌市聲隔短墻氣原凌斗極謀豈為膏粱
悠哉泮林下携手有求羊

朝白園集題三夕歌人圖

論園送幽抱地主擅勝奇節逼一陽回烘窓明愛暉
堤樹鳥窠露嚴霜葉辭枝玲瓏望千井澹烟裊晚炊
未用營寒畢重裘脫不披玄冥應有意冬候似秋時
國雅稱三爻畫圖揭堂楣要言貴不煩可敵朱玉詞
悽愴當晚晚志士自增悲蕭辰觸懷發吟苦吐心脾

昌黎握文衡參以島可師絕唱成鼎足芳名千歲馳
華林綸綽出輯纂恨差池下和雖見則至寶自揚輝
尚友何所慕當與此人期

復原樓早春賞雪分韻

兆豐埋牛目孟陬清賞耽雪候隨早晚人情殊苦耳
碧翁仁體物斯理似細參雞朝至穀日祥曦瑞靄含
熙：層臺上賀正恩澤覃儀典皆脩舉衆庶已樂湛
迥此乃凜烈立春雪氤氳形雲紛四合如席飛方酣
萬井歸一白街陌孰能探依檐飢鳥雀無地馳驟驛
次爐熾伏獸擁被學眠蚕包并沒溪谷填壓折枏楠

幸當慶事畢椒酒助笑談報晴掃開道衝泥游可貪
蹶然呼杖屨未叩讀書龕久要迎吟侶速駕喜何堪
宮商調玉律蓋底合金函蓮峰無寸土完壁簪蔚藍
儒酸移厨膳漫比屠門餽封枝暫時耳花信本曾諳
重来鶯可聽斗酒携雙柑

有馬君邸舍得流字

莫作愁霖唱雨令人境幽橋外輪蹄少街頭塵土收
况與涼風共炎蒸非所憂經途偶相訪公退接清游
掃床陳雅具折簡招吟禱如何適不來官紕見礙留
初筵雖落莫心賞聊可酬濠濮寧在遠邸舍即林邱

園植看成幄盆池亦樂儵琴嘗娛性靈仕學責皆優
文章裁五鳳政術無全牛韋陟精厨膳當時急驛郵
清齋望三益愛容心休休雅量弘江海何曾擇細流

九月七日復原樓賞菊拈韻

買園供憩玩其奈蕭又滋豈無蘭與蕙憔悴日就萎
改囿耨數畝盡植傲霜枝榮槁任天然元味灌培時
數暢踰所望地與花性亘萬釘金簇簇翠粟亦歲蕤
良朋踐芳約對此吟席披霑霖亘六旬百卉早具睎
候如冬節半附火襲寒衣叙歡只二簋橫秋聘雄辭
蜀犬狂應吠薄晚見晴暉佳色逢真賞山容入竹扉

未克楚容餐已隣重九期

送大家生

春寒猶凜烈冰凍結茶水游子承嘉惠治任返桑梓
況乃春潘輿振鐸訓髦士告別乞吾言將佩充蘭芷
老生每常談豈有驚人耳仲父曾迷塗借智在馬齒
經過非想像談虎膚粟起少壯寡聞見聖賢視如咫
剛執迂人情抱負唯巖枝傍觀反流汗悻悻不改執
將知而老及噬臍已益己其室無空虛勃磈無寧畧
殺機牙戟慘袂中多偏倚眾怨亦投間錦表敗繪裏
扶顏莅西席高論愈可鄙所以洙泗教強恕為仁始

善心油然而生百物自欣喜子歸及仲春品類條風被
嚶之鳥遷喬傲載南畝籽雪解漾波紋山明豹霞綺
芊繇芳草綠穠郁發桃李出入享三樂葶子繙經史
仰體煦育恩開懷融查淳

二月念八日敬衙過復原樓分韻

累日狂風吼催開桃李姿春光過大半寒尚砭肌膚
跳岑雲裏見香雪埋庭墀蘋蘩丁祀畢夙興赴朝儀
拜跪摧傲骨金膏那能醫決起榆枋下出岷解世羈
政足憲間臥冥心迺皇羲原草縫將合漸與踏青期
常年藥苑花萬段錦成堆恒寒愆氣候開晚俄凋萎

春服未可御春臺孰熙、茗戰消午寂瓶笙韻幌惟
己巳中秋為土屋四十宮兩生所惱有此作

頻歲中秋月輒逢雲翳崇輪盈逸興飛何料觸天忌
悍雨已彌旬忽雨作期至吾疾不可風高賞須絕意
况復聞如漆解取猶難冀短鏡斲芋根蛤蜊聊充嗜
殷勤囑諸友端娥或巧避宵淺惜清輝不入情夫皆
白靈破天怪南榮坐勿睡秋來動病疴沈綿漸困悴
血箭紅霧噴密啣聲堪譬豈倩佞人紙已殫良醫秘
膏髓日濺灑所餘能有幾足輕歎朝天頭重如帶醉
記性成漏卮衰邁劇馳轡顛領失光澤悽愴多涕淚

耳蟬巨燠寒眼花常亂墜悄然親梳衾吟玩非吾事
四壁繞陰蟲昏燈落馬穗輾轉曉將交狂呼報奇異
丙夜頓開朗翁何忍棄置蹶起推小窗既在冰壺裏
摩歲學少年暫忘精力匱

三月四日復原樓次韻

雨淋復雪虐春事如俄頃病後食勝引遐矚煙霞境
修禊游成昨餘興對峻嶺和煦坐懶眠布穀喚人醒
彼榮者維何紅素雜李本碧翁解去汰濃淡工布景
寸胸吞萬象朗廓無所梗井淡療渴心未嘗歎短綆
鼉技雖易窮閑來欲一逞洗耳以高頌高風慕箕穎

鄧林之英楚納交誰列頸儒士養毛病叻徒多語
驚駘戀棧豆盪望籬雲駉杖錢不沽酒黎邠游費省
觀空雪月梅詩擬形神影笑我持布鼓敢抗雷門寔
捐讓變征誅紋楸消日永菜甲鳳釵抽松梵海濤滌
穉未在大倉隻雞沒牛鼎賞春微官暇譚榻空迭秉

其二

何羨六國印蘇秦有二頃買宅植松篁不覺在人境
雲衢一行雁杳渺沒遙嶺受性不飲酒其如鎮常醒
游行采椽屋何必蔭文杏取之無復禁占斷鄰園景
親朋聚與散身世任萍梗

是日長子及諸舊藩主祭朝

送抱誠

鷹爪轆轤響長綆雨歇草縫今日暄鶯古逞菜竹思
淇澳松花想高穎檐牙燕對語洲紫禽交頸補籬留
狗竇修宮類豚宰縱被書迂名肯爭利塗騁歲華供
靜觀世事有淡省迹雖違枕漱心莫慚衾影煉丹審
鄞鄂流形指風霆詩匠賤彫鏤道腴知鳥永陶情氣
澹蕩蓄思滿回瀑圭筆連朱門藜藿伍列鼎靜喧唯
安遇流坎難執秉

章好堂讌奉餞兗山世子

天產荆山璞琢磨瑞彩揚君子比明德溫潤煥輝光
講藝蔭華穰謏劣不自量禔身希賢哲主壑鎮宗祊

孟夏戒行程徒御束歸裝孤花棲嫩綠新籜解初篁
叙別桃枝簟聲歡竹葉觴豈不愁睽隔企望奈絮氓
良治學為裘美材擬肯堂黌序觀三善藩翰集百祥
迂腐屠龍技一嚮未親嘗佇見鸞刀割民社仰平章
好音千里外願醫饑渴腸

七月廿一日復原樓分韻

商飈無靜竹湧翠迭昂低金柔火雖老餘焰猶勃蹊
原上可方軌阜午少輪蹄瘴暑成契潤微涼乃提攜
仰瞻白雲但俯聽亂蟬啼吸露寧告乏翔虛不求栖
薄臣無所營浮游與之齊苟完七寒燠吟筇路不迷

題畫

窗牖如明月端城難迎接容輝雖四注無因開寶曆
懶裂齊紈素且持我摺疊芳約不復圓心曲若襞褊
織織學無手向外一愁捻何曾起涼風露華玉節衰
立春啟合飲別諸君

掃榻邀舊侶分襟讀書幃蒼龍初整駕萬彙漸熙
駿臺添松綠礫水泛冰澌青湯一樽酒非輕遠別離
濫吹紅蓮幕遂至馬年衰康瓠凌寶鼎魚目掩珠
璣載筆從旌蓋懷柔接熾夷夷蕩窮地角玉節倚雲
遠玄海何浩渺白道歷倭遲波濤伏忠信島岫暢恩

威贈言幸勿惜臚傳報周咨

留別約山

風雨連三日落花積庭隅渡頭添泛漲路上滑泥塗
當茲離別際似欲阻征夫休誦沈侯句與君裹病軀
去留或使之出處不由吾唯存兩片心清水徹玉壺

發江介

參天豫章樹七年辨寸萌一被對行差杳如疎河清
烏蟾遠轉燭屆期發武城素之紀綱僕徒御盡門生
蚤負膺任重未免憂慮繁尚幸遊遐域聊忘塵俗情
譬彼出岫鳥搏風六翮輕故舊交誼厚追餞品川瀛

朝飢呼野饌了鬻酒罄擎旦莫唱驪駒縱隔遇新晴
水光漾白牕濤勢撼檐楹千船檣麻立二州島螺軒
担赴魚鰕市棧列涉塵町與點吾豈敢漁歌聽濯纓
更貪前途勝花禽逐次迎

候風遣懷做鮑參軍數詩并次韻示石川翁及

今季

一行祇遠役暮春發關東二使航溟渤俯瞰水晶宮
三光分耀域親如唇齒邦四月離紫海歸旆拂秋鴻
五等異儼相饗待舊儀豐六義貴專對扈從復觀風
七德曾止戈儒生重鼎鐘八袞開壽俊宏材講席重

九子隨祥鳳珍彩映眸容十駕吾何及偏忻學路通
忽辱抹茶之貺適濟羈中之所乏荷愛之深恨無
以為報恰寫免昧二闕以付還俾悅消閒戲製不
足充大方之觀一瞥担塊是禱

呼子港贈石川文學次謝容南樓中望所遲客

韻

但風呼子浦樓下滕腫迫水陸異依栖皆是北征客
羈旅寡歡淪淹泊經數夕咫尺望夫山流眄未能適
故人亦干役契密侔親戚惠來叙睽離參商十年隔
蘭玉共扶持瑾瑜相指摘侶儔論在亡名理求剖析

藩禮特優賢柔臆通晤覲

辛未中秋園城寺裡賞湖月分韻

歸程已過半投宿琵琶湖干吟情忘旅倦借賞梵王壇
攀磴登漸高隨步湖面寬仲秋正三五清輝漾碧瀾
閃閃破雲堆離：昇鏡山引光却蘭燭泛露倚彫欄
和爾漁舟小唐崎松影單汪汪十萬頃囊括座中看
客中本多日風雨無定端一年一夜月晴湖恣覽觀
徒御送賓主幸得塵清歡

送石冢生還慶府因寄懷府下諸友

澄江涵萬影秋雁貼天飛客有思故鄉西向紫溟歸

因附八行字舊侶晨星稀聚散何可常况復在官羈
願言勉矜脩各循先哲規學習貴無倦磨礪久發輝
遭遇度濟物困衡闕世機德音誠不已何異合堂時

與諸子游園成精舍

微官常齟齬冬孟易傾曦非訪招提境難逢泉石奇
駕言寫懷抱借賞寄溜池會心不在遠選勝惜所宜
蓐食踐鷗約如赴圮橋期蒲宇破晨霜驚鴻起渚涯
敗荷粘堰柵殘菊委階墀霜楓交講樹鞦韆爛幢旂
後擁崇高阜前臨綠淨漪涵空澄世慮拔地障塵迹
超忽出泥滓挹露漱三危况屬小春候愛日正煦熙

朱門有美士才名夙四馳
虛左瞻望切同車幸施施
宮商迭相和肝鬲亦共披
抒思命柔翰坐隱對枯棋
息陰寧長影許飲不攢眉
取適忘賓主休論素與緇

相月初三復原樓分韻

五月到七月不踰牛郭堤
屈指整四旬興與復原睽
非畏鏢石暑亦無梅雨泥
善病應同汲疎慵不減愁
都講忽未白蟬蠹仇緇綿
曬曝須及時事不可延稽
官廬一甕酒周旋類醢雞
權書難容鄰凌晨出杖藜
有樓復原上消暇時攀躋
三窟真有用不虛舊構締
樓上未涼吹四面極天倪
樓下臨廣陌布路客東西

人生有貴賤所當萬不齊
袷服夸毗子觸熱走駸駸
心煩成涕羹詭笑病夏畦
諾諾和蛙鳴尻高頭却低
雖飽播間肉竊泣妾與妻

題漁父百絕

人生有貴賤誰能無所當
官多分彼我智力遂相傾
悠哉插魚翁泛宅伍浮萍
江海伴鷗睡於人有何爭
其樂難具述取足不求贏
自非高世懷安知心境清
新生隱力主抗志外世榮
愛此釣漁適吟咏百篇盈
興觸天機發摸寫工以精
別有梅花什柴先為品評
篇章富埒此險覓鬼神驚
應因致虛極體物無遁情

八月二十八日復原樓分韻

秋涼疾稍損依舊欲呻吟問余何乃尔風物撩雅襟
藥草秋香動鮮艷響疎林天濶辨來雁雲開露速岑
節近籬菊綻氣寒晚蟬瘖志士悲懷抱況當時過音
援毫唯讀曲奉慰表傷心循環換歌哭轉燭送光陰
春來多疾病夏後苦霑霖獨有遺世訣能忘年鬢侵
冷看名利海高情橫古今

茶山管雅伯東下在邛修地志惠然見臨通報
吉根二生來會分韻

雨歇蒼旻淨孤飛江上雲金商節物改蕭索少歡欣

門有騷雅容倒屣懷抱伸賢侯禮碩匠千里命蒲輪
生平撰奇勝健筆記榆枌搜剔山川秘圖經祭具陳
編摩已就緒乘暇笑語親魯國有兩生思樂采洋芹
譜其嚮往久咫尺相知間接踵造公舍始挹芝蘭芬
秋聲駿臺下灑氣礫水漬請看西風裏梧桐實紛紛
腐葉餘凡幾搖動送朝暉舊朋多凋謝沈疴纏我身
寧有龍虎鼎駐顏度千春共論補養術息機可葆真
勝氏牛田林莊分韻

牛田有幽墅地主吾故人借園寄游賞久約踐蕭辰
負劔二三子蓐食出城闈過橋路右轉衡茅回野畛

老嫗聞有客奉帚折埃塵抽鑰啓窗牖操作且自陳
監護非不謹點鼠逗齒斷穿穴播煤土盜辭汛掃頻
老翁聞有客曲奉語諄。疇曩東道主豫戒待過賓
翁嫗意良厚歷落見天真咫尺紛華域霄壤異漓淳
園中田二頃籬落雜松筠杭稻逢豐熟歎蹂納庾囷
未刈唯種桂顆粒何圓勻逶迤列水樹騰翠大江濱
雲容舒復卷雁陣屈還伸調既命市糴咄叱致函珍
海舶傳朱李鴻文勒玉珉檻泉常注澮樂土願為民
場圃栽菜茹墾沽亦昉昉築室纔容膝僻遠絕執輪
遙聞雞犬始知有村隣頓忘朝市蹀風俗空歌邠

翁嫗接待狀紀實園植有李
係舶來種野某記之刻諸石

孟陬初十日復原樓分韻

構菜四穿樓元謀詻幽情欲總攬奇絕所願難滿盈
對窻乃蓮岳屢妨雲霧紫筑波雖咫尺峰岫苦難晴
去冥弄威柄寒律奪句萌至前袁文雪增益到新正
我產西南州風土寒氣輕墮地遭饑虐慄然肌粟生
宿疾如油膩洗除不復清瑟縮龜藏六獻春不敢聲
過旬覺微暖蹒跚欲起行遂離謁室復拄柵藤
物象何鮮潔僮僕相歡迎諸峰無纖翳描出正分明
青者堆黛靛白者列璞瓊馬耳真批竹蓮花可掇英

坐看關左滕席卷入詩城

蒲田初到見梅數百植入深乃有蓬華三兩隱
趨新田之徑凡梅莊茅處禱蘿設林椿茶鬻梅實
加以游履雜襲履尺埃抄殊可厭惡此村無從
梅品高便

我昔游伏水飽賞萬株梅嗣後求其匹會不足陪
今到蒲田里林林何歲裁蔽虧多蘊積疎密有量裁
茅茨香雪裏紛々委綠苔遠望遮村舍漸進問巷開
橫枝向水鑑曲幹無屋隈鶴棲何處所雞喔隱隅隈
農家務收實豈期吟客來故無林榻設文杖暫徘徊
茲游亞伏水不惹市朝埃

白河侯大家別莊分韻

幽莊城坤位清和趣少雙綠淨無人語客到足音
山榴花如火連吟映晴窻紫藤絡喬木十尋馭風幢
散策下林塢原衍數子弓異卉不知名魚貫披蒙茸
小池明一鑑古查浮似艘園丁荷長鏡斲地出穉龍
翻匙稻如雪芳脆貳朝餐雅素憶粉社况享鄉味濃
叨奉蓮幕傲珠自塵土中啓處窘環堵羽翮礙樊
籠賢侯萬間屋偷閒許從容

與諸子游橋東園分韻

豈忘久要言其如炎暑瘴結侶游朱邸乃在爽涼天

賀吉初旅退布路出市廛墨河留勝跡行傍白鷗眠
試披青籐密忽見平疇寬秬稻方如茨可以驗豐年
此行愁徑盡虹偃喜橋懸中休豫設臺捷渡亦具船
石頭虎形伏栗殼蝟毛攢秋光已晚晚類日尚盤桓
興移登傑閣萬象赴雕欄烟裊知窻戶鐘獅音辨梵壇
蟲吟隱礪礪魚戲漾漪連幽芳綴階屺藻舞時聯翩
前賞猶瑣屑後得括囊看諸彥鴻漸翼環堵苦拘牽
蕭辰接歡會超忽翔雲端援毫軋今古何如梓澤賢

清音亭佳招分韻

曾學蘇門嘯鏘鏘鸞鳳聲豈甘栖樊籠早已謝簪纓

堂構遺爽葉惠澤發群萌故家恩賜宅南郭遠巖城
境雖隣市陌趣乃類郊坰鑿沿天光泛覆篲樹花榮
豈之求羊侶延招及老坐正恐春韶盡恰逢宿雨晴
蓐食命盞舉林岡執相迎播糠珠塵土過橋兩眼明
二三同襟子定逐沿滄瀛醅醑青樽馥圓方綺膳盈
論文遜子古馳神隘八紘隣笛多感際忻獲茲良朋

寄題舊宅

我家本業農耕釋盲兒孫 祖考為人後仍作西鄙
村 先尊初發迹勤勞簿領煩乃遷宅城畔寵榮荷
國恩頻仍進祿秩胤裔立竹繁而我叨 慕辟庸瑣

何足言亦知因積善乃眷海西藩桑梓可恭敬况今
舊廬存修葺庶勿圯茅堂及華門易主雖疎旅水木
共根源源啞涸可矣茂蔚在培根肯堂與肯穫遺德
永不誼

映碧樓集疾不能赴呈諸賢有序

映碧菽邱之看街樓也今夏疾將之藩余請他日
消一日之間於此樓侯許之且以戒邱更然後就
途因與同社約七月某日至日疾動且炎歎故延
期尋又卜八月某日業已行至昌平橋聞松枝幹
事暴止幹事菽邱更之一而最與余有舊為之驚

痛廢然返矣既而又謂向與侯有成言不可不踐
遂以閏八月十九日為期時雨歇氣爽游興勃勃
忽得感冒疾不能出戶因使煜兒代參席夫寄賞
常事耳菽邱頤步耳而三相左豈非一飲一啄亦
有命之類邪為發一慨賦此寄呈

廣塗方九軌豁達樓南面勝引存久要其奈炎暑煽
人事亦乖互遂致阻聘眇秋閏風日好微逐訂諧彥
臨期忽遭疾辜負情難遣樓高羅萬象枕上空歎羨
雨霽乾坤淨風清節候變井上梧葉盡堤際蓼花遍
賞展桃枝葦涼捐白羽扇岩嶺翠騰湧士峰雪隱見

超越塵氛外暢叙極欣并城衢榮繡錯其中萬蕩填
樓臺貯歌舞羅綺務誇炫入門各獻媚名利切貪戀
紙痔得玉車作鯖合戾膳何如此傑構恣客弄筆硯
曠懷無所挾不論貴與賤

即向壕堤堤下有
炬井為古蹟

柳亭集作

樓記公廬裏環堵困面牆非無臨汎興頻遭風雨妨
賢戾設細席斯道有主張因許携吟伴容裔翰墨場
城東稠閣井喧湫如蜜房中開別乾坤多景水石鄉
昔屬賢豪有今為勳閥莊銅池邾莒視桃洞漢秦忘
垂綸收玉尺對奕坐幽篁千聲應素節萬象含秋光

朱繩難繫日慈賞憶魯陽

七言古

癸卯春臣櫟告暇將浴後溫泉經由訪藪孤山
臨散閣下製七言長篇賜之臣不任感激之至
欲輒次瑤韵行迫不果既歸始能成章灑勉步
礎燥澀竭思聊寓謝息之鄙誠云

釋褐談經髻未斑烟霞賜告出問關海燭火光前後
地願分水流南北閑野草萋萋膏雨外晨星落彩
雲端五年塵土茲蟬蛻應接不遑林与巖花塢柳堤
呼婦鳩芒屨布襪恣探游魯衛弟兄誰謂遠江廣唯
須一葦舟那能斗耳爭盟歆欲向臯以訂紉繆炫爛

文章機上錦澹冲人物空中樓閣宗之峯何啻峯鍾
靈儲秀多名流波及仁聲稱嘖々清明政績問吾侯
風蝗赤地殆千里半菽流民離田疇共道中流砥柱
矧次公異瑞可相儔為山九仞要功全掘井從來欲
及泉漸草士風期豹變洞知民隱似犀燃沛乎巨魚
縱大壑仁壽應踰方眼仝榮戟雄州藩翰列仰瞻斯
學日中天菲薄厚顏自悅始邱山逋負何時蠲謫謀
旦傲輜軒使顧問欲呈画省賢温湯并浴恩波渥勝
境兼成良友緣長知麗藻送行日正是沈疴去體年
美景擬充芥曝獻偏慙枯管不成編

歲暮吟

冬無積雪早流澌不龜手子不粟肌天翁似作病夫
慈不憂栗烈發寒疼漏洩春光柳吐絲梅花璀璨映
竹籬螟蟻不死奈未茲理財班俸忻及時懸磬之家
存贏奇穀價騰踊頓倍差一民雖便三民悲哀澤鴻
雁磬：飢吾曹坐食竭膏脂杼柚一空歛以箕斗米
百錢珠玉炊天晴地戴豈我私憂先天下樂後之嗚
呼范子格言千古垂

送尾形生游京師

君不聞龍髯化龜入王府屢孤謫誕何足取又不聞

赤帝之子是真龍風雨晦冥兆漢祖近在紫海尾形
郎蜿蜒怪物以為父若謂不然視諸背隱起尾痕可
手撫勃興運策多功閱當世四隣驚威武華胄雲仍
仕巨室材氣蹇騰莫与伍俯首攻業在刀圭妙察癥
結探肺腑東將輦下尋明師俞跗長素授規矩頭晦
有時君家事池中甘受魚蝦侮隨機變化濟斯世到
處望之如時雨

江口賢契齋頭得屋韻

鏗爾憂瑤琴佳人在幽谷紅葩映窓牖林間教椽屋
我苦鶯塵耳欲聾散步唱酬當洗沐墟烟啼破婆餅

焦草色芋眠穩臥攬半春清賞期郊野逐日佳招隨
山麓家世原存葭葦親聲名行葦蘭芷馥耕學紡文
出倫葦頭角薪耻雌伏斷機剝薦風猶在為黍殺
鷄情可拘率意南檐新霽暉山翁同誇灸背燠

題李白圖

黃雀樓榭碎鸚鵡洲賜翻青蓮豪句軋天地不管仙
人叩帝闈醉來踈脫廬山咏傳作畫圖千古存

幽風館分韻送海雲上人遊吉祥寺

安禪宣石上東武城井接朱門安禪宣樹下東武輪
蹄日夜喧紅塵十丈撲人面名利紛華惹六根師胡

為乎欲遊彼破顏相答作是言至道無難嫌擇揀山
河大地法身存龍象如雲擁寶幢柁檀干漢蔭祇園
逸客通儒結交契淵才雅思共尋論芒屨將繞芙蓉
雪銖衣好曠若木噉離鄉亦豈非揀擇徒使吟朋銷
別魂精里之南豳風館千頃水田浮遠村子規聲裡
殘芳歇首復新晴綠葉繁歲、花開懷想切東風萬
里送春暄

松水亭得成韻

携同人子夏畧永烟霏霽子爵松杉欽先哲之芳躅
子庭草離、之不曾芟衆籟鳴寂乎觀造化之機緘

滄舟、雲與兮未成肆兀之晚巖墳麓吹兮叶宮商
交情和平相濟甘與鹹

梅雨江漲

梅天雨脚如麻繁風撓竹樹搖檻軒其他無間亦無
見滂沱、范林園家僮驚報水入戶橫流沈窳炊
懸釜玉燭熒和太平日彼蒼何事遽馮怒空外微役
鼓聲興乃知暴漲沙堤崩今歲農功插秧畢預愁爛
死穀不登宿疴忌濕卧茅屋、漏淋漓濺衣服庶政
何須嘆微禹呻吟無客問幽獨

杜鵑行分韻

望帝知龍令禪讓類唐虞未見成功煥羈恨叫天衢
蒼黃忽反覆初賢後何愚豪奪百鳥巢偃然育其雛
子噲巽位迷不察陳餘推印遂遭殺好名之疾入膏
肓古人諷世計還點不如歸去不如去

浦島子

秦始皇帝好神仙碧海不還徐市船那識蓬瀛屬日
本丹波州北澄江邊澄江漁郎出垂釣中釣龜化女
嬋娟携手同遊金銀闕鳳簫相逐和鷗絃流霞之酒
雕胡飯始信瑤臺別有天恨殺塵根猶未滅萬牛難

回歸與牽絨膝慙勤盪玉匣莫開當有再來年分背
盪蘭漿忽然到鄉里曾無眼中人城郭亦非是偶逢
百歲姬訪尋拳可耳故老傳異事蹈海浦島子點翅
如夢中偏猜玉匣裡一拚敗盟啓視處蒸騰紫氣衝
空去綠鬢紅顏俄變衰目昏形倭待扶助劉既歸鄉
七世過王質看棊爛斧柯神仙不仁勾引客縮得春
秋以蹉跎若便光陰似仙境千秋萬歲亦無多

松化石

翁鬱山中老龍鱗一朝堅結作負珉享壽千年未知
足欲及滄海起埃塵何罔人世求竒玩斤銷刀鏤文

几隣嘯猿鳴鶴從告怨垂葛懸蘿那能親嗚呼變化
誰辨榮与辱辱元氣磅礴任陶鈞

家室灣

歸舟復投家室灣怒濤不入夕潮閑生憎港外東上
舶六幅風帆弓樣彎天若有意和天老人間何用妄
憂惱獲蔣未往望不同更覺髯蘇詩句好東風西風
任自狂五日十日逗何妨笑書攤閱蓬窓盡歲缺時
聞杜若香樵徑綫纏山頭銳固麥崖松相虧蔽沮洳
春啣燕子泥浪波晴洗梅花蠟灣中蟹戶知幾百兒
女蕃滋群劇嬉被髮藍縷聚清沙環坐巧接母子石

葦簾筍笠綠蓑衣誰家漁具岸頭啼隨處幽尋都可
樂煙霞清賞不相違日暮呼魚暝雲末柔艣棹聲鳴
軋貫穿委曲群舟間舉籃紅鱗跳激刺君不見平
安客裡桂為薪銀刀貴似一錠銀今日飽餐填巨壑
百錢魚厭闔舟人又不見我鄉里伯兮叔簿書叢委
身窘東山水時偷半晌閑官長之嘆大如屋

題畫鷹為上原生

麋府原生志四方芒鞋布襪束輕裝天寒風厲波瀾
湧祖席晴臨漲海張親舊初唱陽關曲隼逐沙禽過
中堂湍坐然驚搏擊塌翼盤墜酒樽傍毛擘還解

壯行色笔以汀看但羽觴爭擬閑西都講頌榮旋名
業不尋常若非惠文持法憲必凌雲路見飛揚奇事
入圖來相示吾更取類處其當不敢為生太早計羽
毛未成豈易翔學習及時湏努力頽波日注扶桑
摩厲偏憑鐵爪利幾微盡照金眸光胸次碧空開萬
里凡鳥狡免無遁藏第整鋒稜十二翻非向錦鞬始
激昂

青蓮圖

世間形狀白也風廬山瀑布睨半空依樣葫蘆可厭
惡茲圖獨見意匠工甕堪倚靠書堪枕天地茫大

夢中誰知醉眼猶如漆塵埃底認郭令公

為約山題其鄉山圖

馳想烟濤上憐君寫舊溪余鄉更縣邈瓠海西又西
一受官羈不得還較量遠近皆是間何殊弱水阻舟
楫三山可望不可攀

望嶽

炎蒸七月正煎熬不謂三峯萬仞高峯頭白雪消釋
盡碧蓮柿漢更雄豪澗雪逗露數條之素綫摩諸潘
岳鏡中始見二毛撤去珠簾瞻日角階前萬歲共呼
號青鐵鍛成天一柱欲障蓮山駭波濤勢壓坤軸增

崇重負唯愁沈六龜今古畫家千百數競抽妍冶
一溜、安得丹青妙手吳道子一日掃絹繡不差分
毫無端埋沒真面目我竊惜之心鬱陶此行冒暑遭
奇觀洗除脂粉照神臯

為志波邸監題夢圖

世人孱薄好機祥六夢吉凶多渺茫獨吾邸監鉄石
腸報國忠君不慙忘辛酉秋夢篠簟苦傍珠簾畫棟錦
筵張雕欄影浸水中央麗景清漪相映光穹龜如箕
上蘭堂忽化老翁端衣裳右持偏提左玉觴獻之祝
壽與已長把酒何人笑眉揚乃是恩公容煒煌爭呼

千歲滿房廊大龜小龜變翁裝葵、城鼓驚眠牀起
未圓夢喜欲狂欲語不語恐張皇只言兆朕屬非常
邀致僚朋歡一場樽醇盤味紛成行是冬千騎觀東
方榮遷官繞羽林郎始信其誠通彼蒼丹青畱取詔
無彊

題丹陽真人圖壽人八十

漫將凡骨慕喬松爭奈人間世味濃名利關隔滄洲
路鐵壁銀山聳幾重欽君蟬蛻塵世外輕健八旬有
壯容獸不亂羣鷗可玩為無機心動寸骨寄語神僊
鄭思遠橫江橋昨待相逢

雪竹

雪壓琅玕低不碎彤雲綴月光
鑿鑿江都寸地如寸金
數竿移入高堂內勁節挺挺
水墨鄉清風原不假
絲繪戶外車馬紛如織
撫瑤琴與此君對

二月幾朔與山田鈴木依田諸子集復原樓分韻得咸因憶昔游浪華見河伯潛藪子厚以此韻作五排三十許韻唱酬鬪奇俯仰間皆千古矣今戲作九一增減體亦以偶得此韻去

竹杉縛帚具鏡臨菴蒼對曉
巖花蔭郭出鳥越牆喃
煙淡延欄檻雨微濕帽衫
茅軒綺閣相蔽藤架槿籬
迭街二

社風流調律呂同寮苦樂共酸
醜聊謀消永日盈樽酒
誰欲駕長風萬里帆客到杏
桃比屋并遭賞僕頑蘭
艾當門皆不芟吾儕砥礪水
壺水月操君子豈憂白
壁蒼蠅讒森列五兵身為武
庫包羅千古腹為書函
同人干野離韁銷近午偷閒
脫鄙凡詩捋鬚除八病
論街口莫三緘逃名須抹
掖惡迹務鐫剗適笑鷄化
狡嘲兔薨儲斂硯玩湖嵌
眉展手摻洽咸

三五七言送二木文學與上原生還薩

江草肥野花飛送客三五酒
適身單製衣直置同行
情不惡春風況向故鄉歸

栽花

君不聞土城竹馬兒童樂吾愛吾廬堪比較翦拂劇於千金馬補籬
墜地何頻數明儔應羨惠藥苗蔬根花木柿棗確不諳爾雅離騷草
晚薰猶相雜駉踰牆來野蝶開竇任隣尢桃僵李代後紅紫列吟窓折腰
未賦歸來咫尺小園看可開莫笑巢由買山隱一邱一壑在城隈

題畫

白雲上人畫白雲把炭吮毫思不群雲與禪心無罣
碍何曾住著白川濱一片飛來湯洲上搖曳滿座白
氤氳妝點嶂壁峻增執古木參天彩翠分老屋三間
倚牛巖道人回首望斜曛皆為白雲費布置想見經

營意匠紛多少帶來皆色相上人始不見不聞

席上次韻碧海徐君

便便捫腹負將軍好逐令辰花下群紅蓮府裏如
林士翰墨風流君最聞一奉可碎書樓小俯視蝦蟆
原草芸白水直人坊隱見金衣公子語氤氳偏隣放
浪蘭亭上何學祓除清渭濱整斜虛檻如絲雨蔽障
崇山成暮雲只以行藏證雁未笑他禮聘羨羔種素
操猶存薑枕性新知幸託蒞蘭薰人間繒繳無所施
千仞翔鸞五采文我諫拙宦常多暇樂事賞心頻迎
君德莎幽徑繞通履接樹中庭已吐芬吟伴不論賓

與主興來下墅窮朝曛

題仙人圍棋圖

三仙別楚相太著洞中棋天上應無事難消日月遲
樵斧柯已爛局上寧支持我有凝露臺前冷煖石盃
來收萬斛供齡之時

四月十九日復原樓分韻

天氣清和入夏初芊眠草色繞階除彌望紅紫皆紛
落鶻鳩聲裡春無餘么鳳翩翩出繭飛柵籬藤架相
追趁葵藿未能頌太陽梧桐可以知今閨街泥沒脛
愁霖唱沈滯况遭動宿恙下墅之游廢二句品物忽

然殊景狀一官牛後樂優閑飽煖遂忘耕織艱蠶桑
急忙宵不睡民命懸麥豐慊間此際登樓何所見滿
城碧綠交臺殿

題列禦寇圖為服部順次郎

描成吳帶御風仙句五出遊乘紫煙其後當塗字蛺
蝶亦因輕薄徂翩：人心天理平鋪著喫緊說魚文
說鷺若舍早邇趨高遠譬無羽翼欲飛騫危哉脚跟
不點地剛風衝觸身便顛

題海獺圖為大槻生

山中不信魚如樹少見多恠難警悟往歲奔鯨遂朝

舖品川沙鹵遭膠住傾都士女出狂驚蟻聚岸頭舌
皆吐一吸潮水萬鱗赴頸孔噴成滿天霧口吞尾撥
可恐怖進舟猶避數百步蘿鷄坎蛙甘蔽錮眼如豆
小勞回護吾友不肯安陋習芒鞋踏遍七道路西窮
平戶觀漁捕舴艇梭飛鋒又雨今畫大魚求我句浮
游滄海存天趣茫茫宇宙隨所遇小大之辨終贅附

為中里坐題蝦夷戎所圖

慨然投筆去從戎防備函相別島中平日雍容陳俎
豆昂藏變作戰士雄堡砦初立依灣魯恃汝長城邊
虜衝瘴霧瞬息盡成夜洪濤撼地鯨眼紅山擬芙蓉

擊積雪家曬脯膳擁醒風五穀不生兼無黍安寢何
愁生計窮俯收鱗介如拾芥塗毒一失殪罷熊今年
北徼海氛積瓊浦忽聞夷賊訶南山有鳥北山羅是
以不奏擒獲功不然振旅凱旋後執訊獲醜獻芥宮
仗劍歸來理旧業枕戈地寫畫圖上嗚呼萬里封侯
非所覓唯懷報國寸心忠

水府岡野子言索題其逢原樓詩許而未作教
歲累蒙催督昨又得信云柴賴諸子篇詠皆集
特以余不踐約未施裝潢讀之踈踏率賦寒請
賜宅榜復原樓牛門內占地幽西揖芙蓉北筑波敗

足聽間時偃休因憶舊侶抗波麓為宰目中無金牛
鳴琴堂上多清暇集古今蹟盡名流靈芝鶴仙何用
託季北海親手彫鐫刻精工稱絕儔披羅詞翰及光
拙因循宿諸五春秋聞君施舍已責民如額何意硯
田歎歲急誅求只恐負租妨考最援臺北望翠峰頭

顏杲卿贊

久安忘危天寶年薦地胡塵起幽燕男兒皆無脊梁
骨叩頭乞命犬羊前書生常山縮群蛟蟠當車豈
圖全喚醒文武酣醉夢收復唐家舊山川許張李郭
功名赫倡義賴君先著鞭誰是鳩毒宴安日中流砥

柱獨屹然

謁吉備公墳

穀音鳩舌古敦龐引入宮商自此公達人大觀無彼
我求師西土使節通典謨紀傳相授受鷁舟齋滯鯨
浪中鋤太哇吟翻窠印文物魏煥革陋風折桂掄魁
登鼎鸞發揮底蘊亮天工無奈李唐出夷種閨門慙
德臭無窮盛極致衰治致亂傲顰苦欲般般同紫極
香煙喧讚唄士民匍匐向琳宮帝在房州非失德鴛
戲鏡殿笑明空惠美弓削爭恩倖或脫大物或興戎
朝綱汙紊不可問未見迴天仁傑功當時和氣抗壯

節挺身凜凜報國忠伴食中書何為者似學胡廣稱
中庸責備賢者而去爾須知華路破帛蒙無田甫田
莠稂稂穠衣可以待年豐漸摩歲月得明世文治光
天向盛隆沿流寧復忘源本莫藻遺墳拜鞠躬

戲題畫梅為玉堂禪師

玉堂師玉堂師有否玉堂貯瓊姿花開顧眄清淺水
鐵幹憑凌冰雪時月下新吟空印色身前慧業畫成
詩畢竟一番雪白絨無由洗去墨淋漓

題草場生畫竹贈玉堂禪師

竒思輪困蟠肺肝當筵輸寫碧琅玕倒个顛分斜燕

尾紛紛飛舞似翻瀾吟客前身畫師是文說詩禪咏
一般墨戲佛乘我不會鼻風含露獨愛看無言之言
無法、色、呈未信筆端馬州旅窓煙水濶披蓑擬
乞釣魚竿

答玉澗師

北手不可挹酒漿輟斲難得水泚、聲應氣求虛語
耳高風彌想十年強詩壘似陷重圍裏空待援軍天
一方閔左文章墮魔境神頭魁面趯跟跚蛙鼓節歌
和蚓笛那知雅樂有宮商隨風弱植盡茅靡誰陪字
海波瀾狂我少之時志矯俗其如燭武已精亡南阿

高僧證真蹄發露霜銑文字慧揮霍千里不留行許
白天涯假聲執春閨被差揚旆旌萍浮馬州化鵬際
將筐儀成何秩秩和陽館裏坐壇廟載筆謀通復此
情唱牙和汝詩新製商節分手各東西布帆無恙駕
云稅聞吾文戰奏凱旋麗藻隨喜舞揚袂彈丸黑子
三韓國幸免蹂躪獻皮幣盟壇先畝何足誇况遭軟
抵誠鋒銳譬如函牛用鼎烹魚糝猶與瓶罌競淺深
踽踽涼涼何為者欲鳴孤掌不成音

壽登坂翁

鶴城仙翁年八十身居國邸脫羈紲雪深穿屐步如

飛煥發精神人莫及老饕欺得廉將軍潞公綜務讓
敏給哺膂力未嘗愆乞言好為惇史輯蓬瀛清淺
幾看過羨門安期迭拱揖鶴倦龜藏翁益壯祝頌聊
寄南山什

題畫

黃鶴樓榭碎鸚鵡洲陽翻謫僊後逸難追躡釘鉸打
油恣狂言畫虎類狗金化鐵蝦蛆跳躑學溟鯤精神
逼肖廬瀑句好作畫圖今古存

為野田生賀椿堂杖鄉華誕

浦島仙人游貝闕田邊歌訣解重圍乃文乃壽存典
故六十童顏坐講幃白笈青簪奉庭訓遙、獻壽孟
春暉傳家贏金一經是何論暫爾遠親闈

白川田月堂寄示小赤壁石求次韻票翁慰解

龍渚長篇

咀嚼群言傾瀝液強詞雅謔奪拳石二老相追挾飛
仙道山何處尋停泊游集當時成故事清風明月駿
臺宅佳招照倒及鯁生無奈沈痾血箭射厥明遽使
責寄題病懶未能應藁格大作豈啻割秦城吟儂龍

渚娛涼夕詩幘與石落生手一覽冰壺一濯魄五峰
研山遜一籌袍笏時時勞拜伏譬諸鴈雛飲醴泉不
願惠施梁國嚇岩崩嵌空藏洞天崖霞嶂瀑清氣逼
輪蹄黃埃朱邸前縮地盤桓虛室白壬戌佳期取命
名真形肯保尚赤壁瑣屑何論恠石供巍然雄秀倚
照壁汛掃焚香篆裊自幾度捧持誇向客尊崇不止
三品官藻繪還加五米藉想看燕几垂涎睨不恨珎
瑤交臂失前賦時序正殘暑舊居風物初落木寶得
所歸知有數况於傳付函丈席逝者已矣存者誰誰
記壬戌遊從樂

島原侯箕田邸觀楓分韻

不論李白與桃紅園勝最名千樹楓露染霜乾吟腐
套停車題句愧雷同城南樓榭占高敞旌幢森立拂
蒼穹雞豨閭闔天曙直對扶桑昇旭東光射滄冥蛟
鰐駭影標畧泊舸舫通維時小春休澣日旃屢談經
謁主公貧儒無復立錐地所以賞心樂事空不羨樓
護侯鯖美要觀葉葉飽霜風千金一諾便命輦借園
深感禮待隆藩國才謬枚馬侶後先追逐穿衙寒
雨如絲洒復霽洗除塵土赤玲瓏飄飄時逐輕颺散
瀟澤并含斜照烘留連欲暮未易暮閃閃歸鴉繞舊

叢

題赤壁圖

保甲青苗法令申爭言功利奈斯民翁論國是何蹇
諤因謫黃州江水濱泛舟遊覽江山勝率意賦成妙
入神玄裳縞衣就睡處千秋圖畫猶如新安得當宁
亦驚悟賢者在位共經綸江山應免遭披剔蒼蒼泪
泪各葆真

寄題松鶴堂為能美國子其家藏尊府誕節朝
貴所貺松鶴圖及贊故以名堂今承徵詩并有
魚生之餉

松齡鶴算祝千春蓄眼未見上壽人獨傳濟世軒岐
術功贊造化壽斯氏亦以自享稀年福便蕃光寵被
靈椿黃竹白雲悠道里綠圖朱字摘星辰重疊濃陰
布碧砌踰躔仙翮降蒼昊三世舊家名出類千金高
手効如神技妙不容自暇逸熊轡東觀陪隨頻因得
良緣時相見乃聞芳聲播縉紳底事續貂忘拙陋華
乾業已飽函珎

田中君六十壽章

故人相識自幼冲况在葭莩親黨中仕路初登猶宿
衛留連徵逐喜僚同壁經瓢史費功力暇時對讀一

燈紅各自致身屢遷轉只道同藩可始終何圖官跡
落閑左邈矣農星點曉空舊朋淪謝不勝數世局變
移何有窮子文三已無愠色依然丹心報國忠坎止
流行心恬靜柳花品茗樂泄融身健步輕周甲子初
度遙督寄詩筒羞我鐘鳴漏盡日奔馳已近古稀翁
自離桑梓二十歲懷土常歎西勝東菜蔬芳脆蟹魚
美漿酒藿肉足年豐洞天清福要享用羨君早點明
與聰浮世綽綽有餘裕笑他冰火枉自攻管窺衰晚
向誰說安得知音隨畫熊

歲暮吟

陰陽為炭物為銅百年寄在鎔鑄中逝者如斯何暫
舍孰綱維是造化工壽大貴賤相千萬人情喜達亦
悲窮行藏隨處存真樂春滿三十有六宮天根月窟
雖未探襟期獨慕弄丸翁芥水素餐投老地吾有大
患為有躬愚公移山徒抱志精衛填海豈養功一事
無成年又暮恐負母兒可憐蟲有喫有着黃卷裡別
有書樓蔽雨風不良於行命藍輦霜白板橋晴旭紅
冬暄滕六鰥其職唯見嶽雪映簾櫳送舊迎新無窮
際自少至老何念念利慾紛紛分蠻觸彼疆我界送
相攻不爭之地在何處蔗棗常有寸田豐

